



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**In Evangelia: Qvæ Vsitato More in diebus Dominicis & Festis proponuntur, Annotationes Philippi Melanth.**

**Melanchthon, Philipp**

**Vuitebergæ, 1544**

**VD16 E 4532**

Historia De Zachaeo cohaerens cum Euangeliō Dominicae  
Quinquagesimæ. Lucae, XIX.

**urn:nbn:de:hbz:466:1-35272**

## DIE PURIFICATIONIS

cum sapientes abhorreant à discordijs, multi haec  
specie moti, sunt iniquiores Euangelio: Sed tamen  
manet aliquis pius cœtus. Ideo dicitur, erit  
in resurrectionem multis. Sed hi ipsi sustinent  
tristissimas persecutio[n]es, Ideo hic dicit de Ma-  
ria: Gladius penetrabit animam tuā. Vaticinatur  
Ecclesia, cruce sub, Christum passum esse, & simul significat per-  
petuò in hac uita Ecclesiam habituram afflictio-  
nes, quia Maria est imago totius Ecclesiae.

## HISTORIA DE ZACHAEO

*cohaerens cum Euangelio Dominice  
Quinquagesimæ. Lucæ, XIX.*

**E**t ingressus transibat per Iericho, &  
Ecce uir nomine Zachæus, & hic  
princeps erat publicanorum, & ip-  
se erat diues, & quærebat uidere Iesum,  
quis esset, & nō poterat præ turba, quia  
statura paruus erat, Et præcurrens ante  
ascendit in sycomorum, ut uideret eū,  
quia illac erat transiturus. Et cū uenisset  
ad locum, suspiciens Iesus, uidit illum,  
& dixit ad eum, Zachæe, festinans de-  
scende, hodie enim in domo tua opor-  
tet me

DE ZACHAE O.

tet me manere. Et festinans descendit,  
& excepit illum gaudens. Et qui uide-  
bant, omnes murmurabant, dicentes,  
quod ad uirum peccatorem ingressus  
diuertisset.

Stans autem Zachæus dixit ad Do-  
minum, Ecce dimidium bonorum me-  
orū Domine do pauperibus, & si quid  
aliquem defraudaui, reddo quadruplū.  
Ait autem Iesu ad eum. Hodie salus  
huic domui facta est, eo quod & ipse est  
filius Abrahæ, Venit enim filius ho-  
minis quærere, & saluum facere, quod  
perierat.

**E**xemplum est gratuitæ uocationis, pœni-  
tentiae & absolutionis, Et adiecta est con-  
tio de remissione peccatorum.

I. Locus de uocatione.

Mathei 9 dicitur, Non ueni uocare iustos,  
sed peccatores, ad pœnitentiam. Hæc est doctrina  
Euangelij propria, quod propter Christum do-  
netur remissio peccatorum credenti, gratis, non  
propter nostra merita, & quod hac fide uclit

D 4              Deus

## HISTORIA.

Deus inuocari, Sicut ait Paulus, Per hunc habemus accessum ad patrem. Hanc consolationem in Euangeliō propositam discamus, & amplectamur. Et cogitemus diligenter causas, quare necesse sit in Ecclesia retineri hanc doctrinam de gratuita remissione, seu de exclusua gratis, Sunt autem quatuor cause.

Prima, ut tribuatur debitus honos filio Dei, uidelicet quodā propter ipsum detur remissio peccatorum, non propter nostra ulla merita.

Secunda causa, ut conscientia habeat firmā consolationem, ac certo statuere possis, quod haberas remissionem peccatorum, & Deus iam sit tibi propicius, ac uerē uelit accipere tuas preces, & dare uitam æternam credenti. De hac causa loquitur Paulus Roma. 4. Ideo, ex fide, gratis ut sit firma promissio.

Tertia causa est, ut possimus Deum uerē inuocare, quia cor dubitans fugit Deum, irascitur Deo, sicut Saul, Ahas & similes. Non igitur inuocat. Scriptum est autem. Per hunc habemus accessum fide. Quare, ut ueri cultus Deo tribui possint, necesse est tenere doctrinam, quod placeamus & exaudiamur, propter filium Dei, gratis, non propter nostram dignitatem, Ideo dicitur,

Quid

## ZACHEO.

Quidquid petieritis Patrem in nomine meo da=bit uobis &c.

Quarta causa est, ut discriminem legis et promissionis Euangelicæ perspicue conspiciatur. Quia Lex etiam dicit Deum misericordem esse, sed ait iustis & dignis esse misericordem. Euangeliū uero clamitat omnes iniustos & indigos esse, & promittit omnibus remissionem peccatorum gratis, propter filium Dei, & præcipit hanc fide accipi, ut Iohann. 3, & Roman. 3, clare scriptum est.

Hæc est summa doctrinæ, quæ ex in hac historia traditur, cum ait Christus, Venit filius hominis querere & saluare quod perierat. Sciamus & nos queri, sicut admirabili bonitate rursus tenebras Ecclesiæ discubuit, & restituit lucem Euangeliū, Sciamus nobis offerri beneficia Christi, remissionem peccatorum, gratiam, & uitam æternā, Summū Dei cultum esse agnoscere filium Dei, petere & fide accipere hæc beneficia. Sicut Pater æternus inquit, Hūc audite, et Iohann. 5. Qui non credit Deo, mendacē facit eum, quia nō credit in testimoniu, quod testificatus est Deus de filio suo, & hoc testimonium, quod uitam æternam dedit nobis Deus, & hæc uita in filio

D 5 eius

## HISTORIA

eius est, et qui habet filium, habet uitam, qui non habet filium, uitam non habet.

Hæc conficiuntur in hoc exemplo. Zachæus erat homo iniustus, uectigalia supra leges exigens, et habens iniusta auncupia quæstus, ut plerumq; sit in præfecturis. Talem uirum uocat Christus ad gratiam, ut testetur se uocare peccatores. Sed hic addendum est. Hic publicanus non habebat meritorum prærogatiuum, sed hoc aderat, Christum audiebat, erat in hoc populo, ubi sonabat Euangelium, quia non fit uocatio sine Euangeliō. Idq; significatur per hunc stantem in arbore sycomoro. Significatur enim primum uocatos esse eos qui stabant in populo Israel, iuxta illud, Ex Sion egredietur Lex. Hæc doctrina uerè est Euangelium Dei perpetuum, que in isto populo Prophetis commendata est, deuenturo Meßia. Nam sycomorus est typus populi Israel. Similis est enim arbor illa fico et moro, et est admodum fœcunda et lactea, et gignit fructus copiosos, qui tamen non matuſcunt, nisi scalpantur et ungantur oleo, ut scribit Theophrastus. Vides ipsissimam imaginem populi legis, qui est fœcundus, potens, habet regnum. Deinde etiam est lacteus, habet etiam

Sycomorus  
ficus sycomorus  
Morus fico  
Morus laevis  
Morus nigra  
Morus rubra

Daphnophis  
sycomori

## DE ZACHAEO.

etiam promissiones & cultum, & gignit copiosos fructus. Magni labores, egregia opera fuerunt Moysi, Iosue, Gedeonis, Saulis, Dauidis, & multorum aliorum, Sed hi fructus non maturescebant sine sectione et oleo, id est, sine crebris castigationibus & sine diuina consolatione. Secabantur Israelita quoties uexabantur ab hostiis Palæstinis, Aßyrijs, Chaldeis, Sed Deus infus debat oleum, restituebat & sanabat eos, misis bonis ducibus, ut Samuele, Dauide, Iosaphat, Elia, Daniele. Stans igitur in sycomoro, significat stantem in populo legis, ubi sonat doctrina, ubi Prophetæ tradiderat promissiones, ubi Christus ipse concionaturus erat, Ita & nos in sycomoro stamus, cum illud idem Euangelium audiimus traditum per Prophetas & Apostolos, & maximè cum sumus in eo cœtu ubi sonat ueræ uox Euangelij. Nam sine Euangelio non fit uocatio ad salutem.

## DE SECUNDО LOCO.

**E**xemplum pœnitentiae proponitur. Zachæus fatetur peccata, & promittit emendationē, et absolvitur hac uoce Christi, Hodie salus facta est huic domui, quia ipse filius est Abrahæ & habiturus

## HISTORIA

et habiturus benedictionem et promissionem  
uitæ æternæ facta Abrahæ. Et in ipsa absolutio-  
ne adiicitur integra concio Euangeli, venit fi-  
lius hominis quærere et saluare quod perierat.

## DIE ANNUNCIATIONIS MARIAE EVANGE- LIUM Lucæ primo.

**I**N mensæ sexto missus est Angelus  
Gabriel a Deo, in ciuitatem Galileæ,  
cui nomen Nazareth, ad uirginem  
desponsatam uiro, cui nomen erat Io-  
seph, de domo Dauid, & nomen uirgi-  
nis Maria, Et ingressus Angelus ad eam,  
dixit, Ave gratiosa, Dominus tecum,  
benedicta tu in mulieribus.

Illa uero cum uidisset, turbata est in  
sermone eius, & cogitabat, qualis esset  
ista salutatio, Et ait Angelus ei, Ne ti-  
meas Maria, inuenisti enim gratiam a-  
pus Deum, Ecce concipies in utero, &  
paries filium, & uocabis nomen eius  
Iesum, hic erit magnus, & filius altissi-  
mi uocabitur, Et dabit illi dominus De-  
us sedem